

張仲景金匱要畧論註卷十五

橋李徐 彬忠可甫著 門人吳元培元夫父較

黃疸病脉證并治第十五

論二首 脉證十四條 方七首

寸口脉浮而緩浮則爲風緩則爲痺痺非中風四肢苦煩脾色必黃瘀熱以行

註曰此總言黃疸初時由風兼挾寒濕後則變熱也其先辨之寸口脉若浮而緩浮緩亦專主風然浮風也自黃者言之緩則挾濕故曰痺濕熱相蒸

脾色必黃
不獨四肢
故脾鬱則
煩先見四
肢而黃隨
之也

而肌痺也。內經曰：風寒濕合而為痺，則風不足以
槩病。故曰：痺非中風，然熱為病情，風為病因。風熱
乃陽邪，陽邪入陽，四肢為諸陽之本，邪入而苦煩。
煩者，風熱也。四肢又屬脾，脾屬土，土色黃，故曰脾
色必黃。見疸病所因，雖不同，必內傷于脾也。然至
于黃，則熱反不堅結于內，故曰瘈熱以行。此言黃
疸之病，槩由熱鬱而外蒸也。

論曰：仲景首揭黃疸之脉，主之以風，而推及于痺。
是明言黃疸之病，風寒濕兼有之矣。故後言風寒

相搏又曰黃家所得從濕得之然觀其後所出方
雖有穀疸女勞疸酒疸正黃疸之別未嘗專于治
風專于治寒專于治濕唯清熱開鬱而爲肺爲胃
爲脾爲腎分因用藥絕不兼補豈非治黃疸法以
清熱開鬱爲主雖亦有汗下之說而破氣與溫補
大汗及大下皆非所宜乎

趺陽脉緊而數數則爲熱熱則消穀緊則爲寒食卽
爲滿尺脉浮爲傷腎趺陽脉緊爲傷脾風寒相搏食
穀卽眩穀氣不消胃中苦濁濁氣下流小便不通陰

被其寒熱流膀胱身體盡黃名曰穀疸。

註曰此段言穀疸病脉證相因之理也。謂肌肉者脾胃所主。黃則由脾胃有傷。跌陽者脾胃主脉也。故責之。若緊而數。數爲熱。熱故消穀挾緊是本寒而標熱矣。本先受寒。寒則爲滿。言穀雖易消而時滿也。此雖胃病。然腎爲胃關。其使胃不能消穀。則腎必先傷。故龍火不能上升。腐熱五穀。于是推原于寸口之浮。浮在尺則傷腎。又跌陽脉見緊則傷脾。脾腎俱傷。則風寒相搏。脾不能輸精于肝肺而

病氣隨經上注于目。故食卽眩。千金方連旋轉言。脾既不能輸精而上于其穀。氣自然不消。于是胃中清陽之氣不升而苦濁。小便者氣化所從出。升降廢而濁氣下流。小便無氣以化。反有鬱熱相干。漸乃不通。若是者何也。臟陰被寒之傷。而客熱流入膀胱也。膀胱爲太陽。統一身肌表之陽。寒熱相鬱。則一身盡黃矣。此雖病本風寒。傷兼脾腎。假使穀氣消。則正足以勝邪。今不消而胃濁。胃濁而致黃。是穀非致黃之因。而實主黃之媒也。故曰穀疸。

以別于病黃疸而與穀不相妨者耳

額上黑微汗出手足中熱薄暮卽發膀胱急小便自利名曰女勞疸腹如水狀不治

註曰此言黃雖必由于脾傷而致傷之原有因腎者其證必額上黑蓋額者心之部也腎邪重則水勝火黑爲水色而見于火部矣手勞宮屬心足湧泉屬腎腎虛而水火不相濟則熱中者繁言手足也人之呼吸晝行陽二十五度夜行陰二十五度一日五十度周于身而日暮則交於酉酉主腎因

原有虛熱衛氣并之卽發于手足而熱矣膀胱腎
之腑也腎臟陰虛則外腑自急然雖急而水出高
原非熱流膀胱之比故小便不礙而自利後女勞
方下尚有日晡發熱反惡寒少腹滿身盡黃等證
而皆不列要知發熱惡寒腹滿身黃他證可有此
則腎病所獨異也故見此數證名女勞疸謂房事
過當而致女勞也然腹如水狀則脾精不守先後
天俱絕故不治
心中憊憊而熱不能食時欲吐名曰酒疸

此言陽明
病之夾寒
者能變穀
疸微有不
同其詳全
在脉

註曰此言黃雖脾色有因于酒者酒多濕而性陽
故傷在上焦心爲濕熱所困則熱而悸懷不安熱
氣病胃邪不殺穀則不能食食不化而氣上逆則
時欲吐後註穀疸條下亦有心胸不安句然此數
證皆不因食穀後發故知爲酒疸

陽明病脉遲者食難用飽飽則發煩頭眩小便必難
此欲作穀疸雖下之腹滿如故所以然者脉遲故也
註曰此言穀疸有偏于寒者謂穀疸本陽明府病
假如人有病陽明而身熱汗出不惡寒或內實不

靖言句似
有誤候參

大便脉不宜遲而遲遲則胃虛寒鬱胃病故稍能
食而不堪飽飽則不運故火聚而發煩濕熱于口
而頭眩濁氣下流而爲小便難然此乃陰被其寒
寒勝熱熱未流于膀胱而有漸致之勢故曰欲作
穀疸本非胃實故下之腹滿如故假令胃不虛寒
水穀自化疸何由成故曰所以然者脉遲故也

夫病酒黃疸必小便不利其候心中熱足下熱是其
證也。酒黃疸者或無熱靖恐是清字言了了腹滿欲吐
鼻燥其脉浮者先吐之沉弦者先下之。酒疸心中

全圖要畧論諸 卷十五
熱欲吐者吐之愈。酒疸下之久久爲黑疸。目青面黑。心中如噉蒜虀狀。大便正黑。皮膚爪之不仁。其脉浮弱。雖黑微黃。故知之。

註曰酒性熱屬陽。上焦先受之。故前註酒疸以懊懣而熱。不能食。時欲吐爲的證。然其相因爲病者。不止于上也。水出高原。豈有上焦濕熱旣甚而小便反利者。故曰必小便不利。心中固熱而足下者。腎之部也。濕熱下溜。則腎受之。亦足下熱。故曰是其證也。但從心中熱來。是不得等于穀疸之小便。

不通女勞疸之足下熱耳。然酒疸變證亦有熱
去于○心○而○無○熱○且○清○言○了○了○其○邪○竟○注○于○陽○明○而○
腹○滿○欲○吐○鼻○燥○者○邪○苟○近○上○脉○必○浮○宜○吐○之○邪○苟○
近○下○脉○必○沉○弦○宜○下○之○蓋○治○陽○明○唯○有○吐○下○兩○法○
也○曰○先○者○倘○有○未○盡○之○病○再○消○息○也○。然酒疸心
中○熱○方○惡○其○結○熱○不○行○假○使○欲○吐○正○熱○邪○欲○出○之○
機○故○曰○吐○之○愈○。又酒疸有因誤下而變證襍出
如女勞疸者但心中與脉及黑色中之黃必微有
辨○故○曰○酒○疸○下○之○久○久○爲○黑○疸○謂○酒○本○傷○上○脉○未○

及沉是下未熱也。誤下而陽明病邪從支別入少陰則積漸而腎傷。傷則爲黑疸。乙癸同源故肝亦病而目青。腎氣上乘而面黑。然其心中仍如噉蒜。蠱狀則下雖病而酒熱未除也。大便正黑。腎邪乘土也。皮膚不仁。土傷則痺也。但腎邪雖盛正氣實虛故脉浮弱。若是則竟類女勞疸。何以辨其爲酒疸。謂雖脾傷而黃。又誤下傷腎。然實因酒而脉終浮。則黑色中必不如真女勞而微黃。曰雖黑微黃。故知之。示人以微細之辨也。

師曰病黃疸發熱煩喘胸滿口燥者以病發時火劫其汗兩熱所得然黃家所得從濕得之一身盡發熱而黃肚熱熱在裏當下之

註曰此除穀疸女勞疸酒疸槩言黃疸有因誤火得之者又辨其從濕得之者爲黃疸之常熱在裏者爲熱黃之變以使人分別論治也謂黃疸病雖不必專在上焦乃有發熱而煩喘胸滿口燥熱燥俱在上焦者此以表病無汗火劫其汗寒變之熱火劫之熱兩相并則氣鬱故肌肉不堪而黃然燥

火不能遽使人黃也。凡黃必因濕鬱。故又槩言黃家所得從濕得之。謂火不與濕并。不能作黃耳。假令一身盡發熱而黃。又見肚熱。是發熱似表。而肚熱則裏證多矣。故又言熱在裏當下之。謂不得先攻其上焦之火熱也。

脉沉渴欲飲水。小便不利者。皆發黃。腹滿舌痿黃。

燥不得睡。屬黃家。

舌痿疑作身痿

註曰。此言黃疸病有先見一二標證。而可必其爲黃疸者。謂沉陰脉也。乃有脉得沉而反渴。小便不

利○非○熱○鬱○而○何○熱○鬱○焉○得○不○發○黃○。○腹○滿○裏○證○也○
乃○有○腹○滿○而○加○身○痠○黃○躁○不○得○睡○疼○熱○外○行○此○發○
黃○之○漸○也○故○曰○屬○黃○家○見○當○圖○治○于○將○成○不○得○俟○
既○成○而○後○藥○之○也○

黃疸之病當以十八日爲期治之十日以上瘥反劇
爲難治

註曰此言黃疸若既成則其病由淺而深當速治
故謂黃疸之病過三候而氣一變五日爲一候十
五日爲一氣若十五日又加三日則爲十八日一

氣有餘未滿四候愈則竟愈故曰爲期否則根漸
深而難拔故曰治之十日以上瘥言至十日外必
宜瘥不瘥而劇則又不若初治之可取必矣故曰
難治

疸而渴者其疸難治疸而不渴者其疸可治發于陰
部其人必嘔陽部其人振寒而發熱也

註曰治黃疸內外陰陽之辨最爲弊緊故特拈出
渴嘔寒熱以別之謂疸色黃鬱熱外蒸之象渴則
內熱更甚內外交病故難治不渴則熱從外宣內